



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 25. Calabriæ Dux Concilium Basileense & Felicem veneratus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A.C. 1442.

genio promoti essent, tantum effecisse, ut Scotiæ Prælati, quamvis Papa jamjam exauctoratus esset. Synodum tamen Provinciam congregassent, in qua Basileenses unacum Felice damnatos anathemati subjecisset, omnesque illis adherentes suis beneficiis privassent, hos inter numerari dicebat Comitum Duglassii Filium, qui a Synodo, ac Felice ad Episcopatum nominatus, sede sua pulsus esset, nunc vero utpote resistendo imparem efflictim Basileensium opem implorare agebat, ut Patres censuris Ecclesiasticis ejus adversarios perstringerent, causamque ejus defendendam susciperent.

§. XXV.

*Calabriæ Dux Concilium Basileense,
& Felicem veneratus.*

*Aug. Patric.
hist. Con. art.
133. ex tom.
13. Conc.
p. 1605.*

Mense Decembri nondum evoluto, Ferdinandus Calabriæ Dux, Alphonsi Arragonum Regis Filius, Basileam suam decrevit Legatum, qui ejus nomine obedientiam, reverentiamque Concilio exhiberet in omnibus, quæ Patris sui juribus contraria non essent. Cum vero Orator in suo sermone Ferdinandum appellare haud dubitasset Calabriæ Ducem, Raymondus Episcopus, nomine Renati Regis palam contendit, Ferdinandum Calabriæ Ducis prærogativa non gaudere, eoquod
Regni

Regni Neapolitani jure Renatus potire-
 tur, non autem Alphonfus, utpote illius
 usurpator, proin Calabriae Ducatum hæ-
 reditario jure ad Joannem Renati Filium
 devolvi, Ferdinandum vero non nisi intru-
 sum Ducem esse, nullumque jus in Sici-
 liae Regnum eidem competere. Panor-
 mitanus Episcopum talia effutientem re-
 darguit, dicens, quod sine ullo Renati
 mandato ea faceret, quæ tamen nec ipse
 Dux ullatenus probaturus esset, subjun-
 xitque hanc suam agendi rationem eo
 magis reprehensibilem esse, quo impen-
 sius Alphonsum ejusdemque Filium ut-
 pote Concilii fautores, colere, nullatenus
 autem eorum Adversarios tueri oportet.

Sæcul. XV.

A.C 1442.

§. XXVI.

*Franciscus Sfortia Felici obedientiam
 pollicitus.*

Præterea Basileenses ex Francisci Sfor-
 tiæ promissis amplas conceperunt spes,
 quæ tamen brevi temporis spatio eva-
 nuerunt, eoquod officiosæ ejusmodi pol-
 licitationes nonnisi ad proprium Sfortiæ
 commodum atque proventum tende-
 rent. Erat is Bellidux militari expe-
 rientia, animique virtute suo ævo longe
 præstantissimus, & Philippi Mediolanen-
 sis Ducis gener, cujus tamen hostis e-
 vasit,